



Inatsisartunut ilaasortaq Sara Olsvig, Inuit Ataqatigiit
Inatsisartut Allattoqarfiat
/Maani

Akissutit § 37 - 36 2013-imi

Ulloq 16. april 2013-imi Naalakkersuisut ukuningga apeqquteqarputit:

1) Nunatsinni pisortani ingerlatsinermi naalakkersuinikkullu suliniuteqarnermi ammanerusumik ersarinnerusumillu sulinissaq anguniarlugu Naalakkersuisut qanoq tigussaasumik iliuuseqarniarpat?

2) Pisortat ingerlatsinerata ammasuunissaannik danskit intsisaannut piffissamilu maana Folketingimi allanngortinneqalersaarneqartumut qanoq Naalakkersuisut isummerpat?

2. maj 2013

Suliap normua 2013-082855

Allakkap normua 1197193

Postboks 1015

3900 Nuuk

Tlf. (+299) 34 50 00

Allakkasuartaat (+299) 32 50

02

E-mail: govsec@nanoq.gl

www.nanoq.gl

Naalakkersuisut ammasuunissaq pingaartippaat, soorluttaaq Naalakkersuisut sulisutiginiaaraat inuiaqatigiinni innuttaasut ajornangitsumik paasissutissarsisarnissap qulakkeerneqarnissaa.

Naalakkersuisut pingaarnertut anguniagaraat innuttaasut peqataatinneqarnissaat taamatullu innuttaasut sunniuteqarsinnaanerata Naalakkersuisut sulineranni qitiutinneqarnissaata qulakkeerneqarnissaa.

Taamaammanuna Naalakkersuisut pingaartillugu anguniagarigaat sapinngisamik annertunerpaamik Inatsisartut inatsisissaattut siunnersuutit tusarniaassutigineqartarnerannut naammattumik piffissalisoqartalernissaa.

Assersuutigalugu aatsitassarsionermik suliniutinut tunngatillugu Naalakkersuisut kissaatigaat nunap immikkoortuini taamaaliornermut attuumassutilinni tamani innuttaasut peqataatinniarlugit sulissuteqartoqartassasoq, siunertarlugu aatsitassarsiornissani inuit sapinngisamik annertunerpaamik peqataatitaasarnissaat.


Taamatuttaaq Naalakkersuisut sulissutigaat ataatsimut attaveqatigiittarnermut periusissaqalernissaq, taamaaliornikkut ilaatigut paasissutissat annertunerpaamik siamarsinnaasarumallugit.

Kalaallit Nunaanissaaq tamanut saqqummiussisussaataitanermut inatsiseqarpugut annertunerusutigit pisortani oqartussaasunit sulianik ilisimannissinnaaneq pillugu malittarisassatigit kikkulluunniit paasissutissarsisarnissaat qulakkeerniarlugu.

Taakku eqqarsaatigalugit oqaatigisinnaavara maannakut Naalakkersuisut danskit tamanut saqqummiussisussaataitanermut inatsisissaannut danskit siunnersuutaasa imarisai nalilersormatigit. Tassunga atatillugu nalilersorneqassaartaaq siunertamut

qanoq naleqqutsigissanersoq danskit inatsisissatut siunnersuutaat isumassarsiorfiga-
lugu kalaallit tamanut saqqummiussisussaaitaanermut inatsisaannik allanngortitsiso-
qassappat.

Inussiarnersumik inuulluaqqusillunga



Steen Lyngé

Silnerlugu

Aleqa Hammond

INUIT ATAQATIGIIT

INATSISARTUNI



Nuuk, 16. april 2013

Inatsisartut suleriaasianni § 37 naapertorlugu matumuuna Naalackersuisunut imaattunik apeqquteqaateqarpunga.

(Inatsisartuni ilaasortaq Sara Olsvig, Inuit Ataqatigiit)

Apeqqutit:

- 1) Nunatsinni pisortani ingerlatsinermi naalackersuinikkullu suliniuteqarnermi ammanerusumik ersarinnerusumillu sulinissaq anguniarlugu Naalackersuisut qanoq tigussaasumik iliuuseqarniarpat?**
- 2) Pisortat ingerlatsinerat ammasuunissaannik danskit inatsisaannut piffissamilu maanna Folketing-imi allanngortinneqalersarneqartumut qanoq Naalackersuisut isummerpat?**

Tunngavilersuut:

Nunatsinni naalackersuinikkut ingerlatsinerup ammanerusumik ersarinnerusumillu ingerlanneqarnissaata pisariaqartinneqarnera Naalackersuisut ataasiaannaratik nalunaarutigisareerpaat. Danskit Folketing-ianni piffissami matumanerpiaq Danmark-imi pisortat ingerlatsinerat pillugu inatsisaat nalilersoqqinneqarpoq, Danmarkimi naalackersuinikkut suliallit akornanni ingerlatsinerup ammanerusariaqarnerata uummaarissumik oqallisigineqalerneranik kinguneqartumik. Nunatsinni sammisaqarfinni pingaarutilinni; soorlu inuussumtissarsiorinikkut pisuussutinillu uumaatsunik atuiniarneq eqqarsaatigalugu annertuumik ineriartortitassaqpugut, taamaattumillu ingerlatsivinni tamani ammanerusumik ingerlatsinissaq aamma pisariaqarluni. Tamanna pingaartumik suliffeqarfissuit nunat killeqarfii akimorlugit ingerlatsiviusut Nunatsinnit isumaqatigiissusiorfigineqarnissaanni, nunat tamaalat suliniaqatigiiffiini naalagaaffinnillu allanik isumaqatigiissuteqarfiusussanut tunngavoq.